



Nýr Landspítali staða framkvæmda og fréttir af verkefninu

- Lægsta tilboð í uppsteypu á rannsóknahúsi 84% af kostnaðaráætlun
- Uppsteypa meðferðarkjarna á lokametrunum
- Vinnustofa vegna hönnunar á útveggjaeinum á meðferðarkjarna, styttist í uppsetningu eininga
- Framkvæmdir við bílakjallara ganga vel
- Dreifibréf til íbúa vegna jarðvegsframkvæmda við rannsóknahús og hús Heilbrigðisvísindasviðs Háskóla Íslands

Lægsta tilboð í uppsteypu á rannsóknahúsi 84% af kostnaðaráætlun



Lægsta tilboð í uppsteypu á rannsóknahúsi er 84% af kostnaðaráætlun

Útboð á rannsóknahúsi tekur til uppsteypu vegna byggingar á fimm hæða húsi þar sem heildarflatarmálið er 17.808 fermetrar með kjallara.

Um er að ræða almennt útboð, sbr. 2. gr. laga nr. 120/2016 um opinber innkaup.

Eftirfarandi tilboð bárust:

Eykt ehf. 4.104.695.224 (84%) án vsk.

ÞG verktakar ehf. 4.879.910.461 (99 %) án vsk.

Kostnaðaráætlun verkkaupa 4.908.776.169 (100%) án vsk.

Að sögn Jónasar Jónatanssonar, teymisstjóra áætlana og innkaupa hjá NLSH, er jákvætt að fá tilboð frá tveimur öflugum verktökum í uppsteypuna.

„Báðir verktakar hafa mikla reynslu af stórum og flóknum verkefnum og vinna nú þegar að uppsteypuverkum á athafnasvæði NLSH við Hringbraut og þekkja því aðstæður á svæðinu. Bæði tilboð liggja undir kynnri kostnaðaráætlun verkkaupa. Næstu skref eru nánari yfirferð tilboða og skyringarfundir þar sem farið verður yfir tilboð,“ segir Jónas.

Uppsteypa meðferðarkjarna á lokametrunum



Stöng nr. 1 er fullkláruð (unnið við frágang innanhúss) og búist við að uppsteypa stanga nr. 4 og nr. 5 ljúki í árslok



Verktaki vinnur við lokafrágang í stöng nr.1 eftir uppsteypu áður en formleg afhending til verkkaupa fer fram

Uppsteypa meðferðarkjarna hefur gengið vel upp á síðkastið að sögn Árna Kristjánssonar staðarverkfræðings Nýs Landspítala.

„Uppsteypa meðferðarkjarna er á lokametrunum, þar sem unnið er við uppsteypu á millibyggingum og á síðustu hæð stanga 4. og 5. Samhliða uppsteypunni er unnið að uppsetningu stálvirkis og stigum í millibyggingum. Á næstu vikum mun verkkaupi taka við byggingunni í áföngum og hefst þá lokun hússins með tilbúnum útveggjaeinum. Vinna við bílastæða- og tæknihús er í fullum gangi, en tengigangur á milli meðferðarkjarna og rannsóknahúss er á lokastigi, þar sem unnið er við lagnir í fyllingu. Uppsteypu tengiganga norðan meðferðarkjarna er lokið og fyllingar við gangana á lokastigi. Í bílakjallara undir Sóleyjartorgi er unnið við að steypa undirstöður, leggja lagnir og fylla inn í grunninn undir botnplötu,“ segir Árni.



Mikið áunnist á einu ári í uppsteypu á nýjum meðferðarkjarna



Það hafa verið um 270 ferðir steypubíla í uppsteypuverkefnið á meðferðarkjarnanum í hverjum mánuði

Mikið hefur áunnist á einu ári í uppsteypu á meðferðarkjarnanum.

Frá september 2022 – september 2023 hefur verið steypt sem nemur 25.664 rúmmmetrum sem er að meðaltali um 2.140 rúmmetrar á mánuði. Það þýðir um 270 ferðir steypubíla í hverjum mánuði.

Vinnustofa vegna hönnunar á útveggjaeiningum á meðferðarkjarna, styttist í uppsetningu eininga



Vinnustofa um útveggjaklæðningu á meðferðarkjarna

Þann 13. september var haldin vinnustofa á vegum NLSH með fulltrúum frá Hornsteinum, fulltrúum verktaka og útveggjaframleiðandanum Staticus. Vinnustofan er hluti af hönnunarfasa verkefnisins og er ein af nokkrum sem haldnar hafa verið með reglulegum hætti.

Undirbúningur s.s. hönnun vegna framleiðslu útveggjaeininganna hefur staðið yfir í eitt ár en áætlanir gera ráð fyrir að framleiðslan á fyrstu útveggjaeiningunum fari á fulla ferð í október. Vonir standa því til að fyrstu útveggjaeiningarnar komi hingað til lands á komandi vikum en undirbúningsvinna vegna uppsetningar á einingunum hefst fljótega.

Framkvæmdir við bílakjallara ganga vel



Fyrirhugað er að steypa botnplötu bílakjallara í lok september

Uppsteypa bílakjallara undir Sóleyjartorgi, sem staðsettur er á milli meðferðarkjarna og fyrirhugaðrar byggingar dag-, göngu- og legudeildar Landspítalans, gengur vel að sögn Jóhanns G. Gunnarssonar staðarverkfræðings hjá NLSH.

ÞG Verk hefur unnið við jarðvinnu og uppsteypu sökkla frá upphafi verks í júní. Uppsteypu sökkla fer nú að ljúka og fyrirhugað er að steypa botnplötu bílakjallara í september. Í framhaldinu mun ÞG Verk vinna við uppsteypu á veggjum og súlum í kjallara K2 en síðan fer að öllum líkindum af stað í október. Samhliða vinna við undirstöður er unnið við jarðskaut og lagnir í grunni.

Dreifibréf til íbúa vegna jarðvegsframkvæmda við rannsóknahús og hús Heilbrigðisvíndasviðs Háskóla Íslands

Dreifibréf vegna jarðvegsframkvæmda við rannsóknahús og hús Heilbrigðisvíndasviðs Háskóla Íslands var dreift í hús í nágrenni við Landspítala í byrjun september. Samhliða var efni bréfsins komið á framfærri á samfélagsmiðlum á vegum íbúa bæði í miðbæ og nágrenni.



Hér má sjá efni dreifibréfsins:

https://www.nlsh.is/media/byggingar/NLSH-einblod_ibuar_A5.pdf

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is